

الرشاد

سری ۱۳۳۰

والله يهدي من يشاء الى صراط مستقيم دینی ، علمی ، ادبی ، سیاسی هفته لقی مجموعه اسلامیہ در اتبعون اهدکم سبیل الرشاد

صاحب و مدیر مسئول : ع . اشرف ادیب

عدد ۴۳ — ۲۲۵ ۲۳ محرم ۱۳۳۱ پنجشنبه ۲۰ کانون اول ۱۳۲۸ جلد ۲ — ۹

عمومی بر کجه ده قتل و افنا ایتشلردر . کویارده حاجی مانوف چته سی طرفدن
ایکیوزی متجاوز اسلام قورشونه دیزلشدر . رادویشته ده اسلامدن ارکک
اوله رق هان هیچ فرد قالمشدر . طویرانده یالکز اشراقدن ایکیوز اسلام
سونکولرله قتل ایدلش و سیروز قتل عامنده بشیوز آلتش قدر مسلمانک قانی
آقیدلشدر .

قریه لرده ، قصبه لرده صاغ قالان بر قسم مسلمانلر بتون موجودلری قذیه
نجات اولارق ویرمک و یا خود جبراً تنصر ایلمک صورتیه . تخلیص نفس ایتشلردر .
یالکز استرومجه قضا سنده تنصر ایتش درت قریه اهالیسی واردر .
بو آقاقلر یالکز قتل عام ایله ده قالمیه رق ارککسز قالان قادین و قیزلرک
ناموس و عفتلرینه تجاوز ایتش و بونلری کویدن کویه طولاشدیره رق و چار .
شافلرینی بیرتیه رق تشهیر ایتکندن ده اوتانامش ، حتی بر جوق یرلرده اون
بش ، اون سکسز یاشلرنده کی اسلام قیزلری بو خاشلره جبراً و قهرراً شراب
ساقیلکی ایتشدر .

بدایت حربدن بری سلائییک روم ایلی ایچون بردارالامان عدا اولنیور
و دول متفقہ اردولری قصبه لرمنی برر بر ضبط ایتدیکه اهالی محلیه اسلامیه
فوج فوج سلائییکه کلیوردی . شهرک دشمنه تاریخ تسلیمی اولان
۲۶ تشرین اولده سلائییکه موجود مهاجرین سکمان بیکی تجاوز ایتشدی .
بو ییچاره لر اوتوده بریده کندیلرینه انجق برر ملجأ بوله ییلمشکن حکومت
حاضره بونلرک هر برینی برر صورتله قهر ایتک ایچون وسیله لر احداثدن
چکنمندی . ابتداء مهاجرینک تأمین اعاشه لری ایچون یومی ویرلمکده اولان
اکمک یونانیلرک اشغالی متعاقب کسیدلی . سفالت و آچلق بوزوالیلره اوپله
دهشتلی بر صورتده صولت ایدیوردی که بلدیہ آچلقدن اولنلری دفن ایتکده
بیله دوچار مشکلات اولیوردی . یومی لا اقل الی التمش کشی آچلقدن
وصفوقدن اولیور و بونلره جدی بر معاونت ایدیله میوردی . بوقدر فلاکت
آزمش کی اخیراً حکومت یونانیه بونلری شهردن طرد و تبعیده و بیسوک
قره برون ولبت جوارنده رکز ایدیلن چادرلرده اقامه یه قرار ویردی . بو
قرار اجرا اولندی . بر قسم مهاجرین نقل ایدلمک باشلاندی . فقط نصل ! ..
بوزوالیلر عاداتا مزاره کوندر یلیوردی . او خراب چادرلرک آلتنده اولدیر ییچی
برر طوبیت و یاقیچی برر صفوق ، بوهرشیدن ، آلتدن و اوستدن محروم اولان
فلاکتزده لری برقاچ کون ایچنده اولدیر مکه کفایت ایدیوردی . برکت
ویرسون که بعض ارباب حیت حکومت نزدنده شدتلی تشبثانده بولنه رق
بونقلیاتک اوکنی آلدی .

فقط بونکله فلاکت بیتمش دکلدرد . شمدی زوالی مهاجرین هر کجه
شهرده بلغار و یونان عسکرینک تعرضاتنه هدف اولیور . الارنده اولان بش
اون غروشی ده بوعسکر قیافلی حیدودلر آلیور حتی بومدن شهرک کوبکنده
بتون جهانک کوزی اوکنده کیمسه سز قادیلرک اوزرلرینه ده صولت
اولنیور . آه ای مدنیت ، اگر سن هنوز وارسه ک ، سن اگر طوغمش
و هنوز یشایورسه ک کل ، کور ، شرقک بواک کوزل واک معصوم خلقی کیملر
اولدینگی واصل قاتل و خاشلرک و بیرتیچی جانوارلرک هانکیلری بولندینگی برآزا ..
فقط خیر سن یوقسک ، مدنیت ، سن وجودی اولیان برشی ، بر سر ايسک .
§ سلائییکدن کلن یولجیلر حکایه ایتدیلر : سلائییکه قازانجیلر ایچنده
پاپوجی ابراهیم اسمنده ، ناموسلی ، کندی حالنده ، کوربوز بردلیقانیلک
برکون بر بولغار ضابطی بوزوالیلرک دکانه کلیر ، و کندیسنه غایت کوزل
بر اسلام خانمی بولوب کتیرمه سنی ، ایکی کونه قدر بواهرینی ایضا ایتدیکی
تقدیرده فنا حالده پشیمان اولاجغنی سویلر و اولومه تهدید ایلر . ییچاره
ابراهیم ، نه یا باجغنی شاشیریر ، اوینه کیدر ، اوغرا دینی فلاکتنه قارش
آغلامقن باشقه چاره بولاماز . بوحال دن اندیشه ناک اولان زوجه سنه ،
اقریاسنه ایشی آکلادیر . اولنرده آغلامغه باشلارلر . نهایت بولغار ضابطنک
اوتکلیف رذالت آلودینه تحمل ایدمه یین ابراهیم ایرته سی کون مطبخ ییچاغیله
بوینک شاخ دامارلری کسمک صورتیه اتخار ایدر . لعنت طالمه !
§ کولنیشه چایتونف غزته سنک بلغار و یونان مظالمه دائر سلائییکدن

نظر شکران اولان طربزون اهالیسنک برده بویه کواکلی طابوری جمیله
موقع حربه سوق یولنده واقع اولان همت و مساعیلری جدأ تجیله شایان
تظاهرات نجییه وطن پرورانه دن بولنش اولدینی حربیه نظارتسندن تبلیغ
اولنمدر .

صلیك رذائلی

درامده :

درامه دن « ژون ترک » غزته سنه یازیلور : بلغارلرک درامیه دخولی
اوزرینه ایلمک یاپدقلری شی ، ایکی بیسوک جامی کلیسا حالته تحویل ایتکدن
عبارت اولمشدر . بلغارلر مناره لری ، منبرلری تخریب ایتشلر و دیوارلر اوزرنده
محکوک اولان آیات قرآنییه یی سيلمشلردر .

بلغارلر درامه ده عثمانلی تبعه سندن اولوب و قتیله ما کدونیا ده حرکاتده
بولنان معبود قومیتیه چی چته لرینه منسوب بر طاقم ملتداشلرینی بولمشدر .
بلنار اردوسی عثمانلی اراغیسنه نفوذ ایتدیکی کون بونلر اردویه ملاقی اولمشلر
واطراف و جوارک ضعیف نقاطی کواسترمک ایچون رهبرلک وظیفه سنی درعه ده
ایتشلردر . بلغار عسکرلری خانه لره جبراً کیریور ، ارکک و چوجقلری قتل
ایدیور و احتراصات حیوانیه لرینی تسکین ایچون حرمله نفوذ ایلورلردی .
قادیلر ناموسلرینی محافظه یه تشبث ایتدکلری تقدیرده درحال اک ظالمانه
اشکنجه لره معروض قالیورلردی .

مهاجریندن برینک افاده سنه نظراً کوزلری اوکنده زوجی ، قرداشی
ویدی یاشنده چوجنی قتل ایدلش اولان بر قادین بوحاله رغماً بو باغیلرک
تکلیفات وحشیه یانه سنه مقاومت ایتش و کندی مدافعه یه چالشمشدر . قادین
بر عسکر اوزرینه هجوم ایتش و فقط عسکر حدتله کندندن کچره رک قادی ک
مه لرینی قطع ایلش و قارندن قلنجیله قتل ایتشدر . قادین حامل بولندینی ایچون
بلغار عسکرلی ایکی قاتلی برجنایت ارتکاب ایلشدر .

لینیریه :

قارش غزته لرنده او قوندیغنه کوره لینی یونان مأمورینی مذکور آطه یی
اشغال ایتدکدن صکره مسلمان اهالی حقنده شیمدی یه قدر کورولمه مش
بر طاقم مظالم اجرا ایتشلردر . اهالی اسلامیه ازمیره کوندر دکلری راپورلرده
سکسز یوزی متجاوز ییچاره اسلاملرک دوچار ایدیلر کاری وحشیانه اذواجف لری
آ کلامشدر .

سولیک و هوایسنره :

سلائییکدن صباح غزته سنه یازیلور :
بلغار و یونان استیلا سندن صوکره بالخاصه سلائییک و ملحقاتنک کسب
ایتدیکی منظره فلاکت حقیقه اک قانی قلبلری آغلا ده جق ، اک قوری کوزلره
سروشک ماتم دوکدیره جک بر درجه ده در . بر طرفدن یانمش ، ییقلمش ،
خراب اولمش آشیانلر ، بر طرفدن حیانتنه ، ماله ، حتی ناموس و عصمتنه تجاوز
اولمش بر کتله اولاد وطن ... ایشه هر طرفده کوره جککسز آجی و غیج
لوحه لر .. بو مملکتنه مدنیت و حریت نشر ایتک ادعا سنده بولنان مدینتدن
بی بهره قاتلی اردولر ، کیری آیاقلر نرویه کیرمشلرسه اسلام نامه نه وارسه
ماله ، جانه ، ناموسه ، معایده ، بتون مقدسات ، حتی مقابره قدر ال اوزا .
تمقن ، آیاقلرله بونلری چیکنه مکدن چکینه دیلر . سوزلرم مشهوداته مستند
اولدینی ایچون ذره جه موجب شبهه و تردد اولمالیدر .

§ بلغارلر نرویه کیرمشلرسه قتل عامی اساس مسلك اتخا ایتشلردر .
بونلرک بالخاصه سیروزده ، استرومجه ده ، قیلقدشه و سلائییک کویلرنده ایقاع
ایتدکلری ظلم و وحشت جدأ عقللره حیرت ویره جک درجه ده بیسوک و دهشتنا
کدر . ۱۱ تشرین اول ۳۲۸ تاریخنده اشغال ایتدکلری استرومجه قصبه سنده
اسلام اوله رق آنجق پک جزئی کیمسه یی صاغ براقشدر . بو جنوارلر
استرومجه یه قوماندان تعیین ایتدکلری (ژیوان) ک اصریله بر کونده بش یوز
طقسان بر اسلام و ایکی موسوی یی لرینی باغلامق و چیر چیلای تشهیر ایدرک

آلدهنی اوزون بر مکتوبدن :

آیاصوفیه جامی کایسا حاله تحویل ایدلش اولوب بلغار عساگری ایله مالامال بولمقدهدر. شهرک باشلیجه جادهلرنده یونان وبلغارلر عساگری وبر چوق کیرلی قومیهجیلر سوقاقلری طولدرمقدهدر. یونان عساگری بتون کون آراهلرله ، بلغار عساگری ده حیوانله کز مکدهدرلر. بلغارلر آیاصوفیه جامعنده کی آثار نفیسه بی ده تخریب ایلشلردر. شهرده یغما وغارتک ، قادینلره تعرضک حد وحسابی یوقدر. بر چوق کوچک یاشده چوچلر دخی شهید ایدلشلردر. قادینلره وقوع بولان تعرضه یونان ضابطانی ده اشتراک ایلشدر. شهرده یتیمش بیک قدر بلغار و یونان بولندینی نظر دفته آلدرسه بوتعرضک درجه سی تظاهری ایلر. عثمانلی عساگرینه قارشلی تسلیم پروتوقولی احکامنه قطعیا رعایت ایدلدیکی کبی خسته خانه لرده کی مجروحین طیشاری آتیلشدر. سلاتیک قرینده واقع بر قریه ده بتون اهالی ، ارکک ، اختیار قادین وچوچق قتل ایدلش ، چوچقلرک اجسادی آچیلررق اچیلرینه طاش وید ملک آتیلشدر. یالکز کنج قیزلر برحیات براقیلشدر. بو مظالمی ارتکاب ایدن بلغارلر چوچقلرک اسباب شهادتی ایچون « ایلریده بولرده ترک (یعنی مسلمان) اوله جقلر » دیشلردر.

کولیشه چایتونغ مخبری مکتوبنه شو سوزلرلا خاتمه ویریور : « بتون بو صحنه لر کوزم اوکنده تجسم ایدیور. او زمان یکرمنجی عصر ترقیده کی بو صلیب محاربه سنک هر خرسیتنی حایه دوشورمسی لازم کلدیکی کندی کندیعه اعتراف ایلورم. بز دهشتلی بر تعصب قارشیدنده بولنیورز. فقط بو تعصب هلال طرفنده دکل ، صلیب جهتندهدر. »

سافزده :

ازمیره مواصلت ایدن ساقز پولیس مأموری حکایه ایدیور : « عساگر یونانیه انجق دونانما طولیرینک حمایه سیله قرهیه چیقه بیلمشلردر. اوزمانه قدر احتیاطلی وساکن کبی قالمش اولان جزیره نك عثمانلی (!) روملری قرهیه عسکر چیقنجه درحال فرستدن بالاستفاده مسلمانلره هجومه باشلامشلردر. اجرا ایتدکاری مظالم وچاپوچلیق قرون وسطی وحشتلرینه رحمت اوقوته جق درجهیه واردی. قلعه خارجنده تجاوزه اوغرامدق هیچ برمسلمان خانه سی قالمادی. برچوق معصوملر شهید ایدیلدی. انسانلر آزکلدی ده پورتقال اغاچلرینی بیله بالطه لرله یرلره ییقدیلر. دول معظمه متمدنه ! قونسولسری بتون بورذالتلرک ، بو ظلملرک شهادی اولمشدر. »

دره آغاجلر :

دده اغاجدن کوندریلن بر مکتوبدن : دده اغاج روم ایلمده امشالی کورلندک بروحشته معروض قالدی. ناموسنه تعرض ایدلک قادین ، کلمندک ارکک ، یغما ایدلک او ، صویولمدق اسلام قالدی. یالکز دده اغاج وملحقاننده شهادتک مقداری اوچ بیک بش یوز کشتی به بالغ اولدی قونسولسریک رسمی راپورلریله مثبتدر. دهها میدانده اولیان برچوق عائله لر بو حسابدن خارجدر. مأمورینی انفاریه آلارق سوقاقلری تیزله مک ، شمندوفرله معدن کوری طاشیق وسائر کبی برطاقم خدمات سفلیه ده قولانیورلر. ایوم متارکه اولدینی حالده بو حال جاریدر. اسلاملری حمایه ایده جک یوقدر.

مدالییه :

مدالی مکتب ابتدائی مدیری رجب ناجی ویلمان مال مدیری حسین حسنی افندیلرک آهنگ غزته سی محررینه قارشلی بیاناتدن : اسلاملرک چوق تعرضلری یرلی روم ادبسلزلندن کوریورلر. یونانیلرایسه اکثر جوامع شریفیه تعرض ایتشلردر. جامعلرده ، مناره لرده هر کون یونان عسکرلری ، یرلی روملر کورولیور. قلعه ایچنده کی جامع شریفده برخیلی تخریبات ده یاپدیلر ، لوحه لری ، جاملری قیردیلر. صقال شریف زیارتی یرلره آتدیلر. جاملری کلیسایه تحویل ایتک ایسته بوب بومقصده جامعلره اعتراف نصاریه نسبتله برطاقم اسملر ، عنوانلرده ویرمشلردر.

مدالیدن ازمیرده « کویل » غزته سنه یازیلیور :

صاریجه شیخی ؛ هیچ برصوچی وقباحتی یوق ایکن الاری آرقه سنه باغلانهرق شهره کتیرلدی ؛ یولده یونانیلر ، بوزوالینک صفالنی یولدیلر ، تفنک دیچیکلریله یاشایاماز برحاله کتیردکدن صکره حبسه طیفدیلر .

اعدادی مکتبی جوارنده صحابه کرامدن برذاته عائد اولدیغنه اعتقاد ایدیلن برتر به تحقیر ایدیلرک ییلمش وایچنده کی لحیه سعادت پارچه لاندقدن صکره ، اورایه استاوروز دیکیلرک اوراسی اورتودوقس معبدی حاله کتیرلشدر. اله کپیردکارینی دیچک ، سونکو ولبوطضربه سی آلکنده ی تیل ایتشلر ، یوزلرینه توكوره رک اوزرلرینه یتمشلر ، اختیارلرک صفالرینی یولارق اغزلرینه استاوروز دوقوندرمشلردر .

بویغماندن ووحشتدن صکره زوالی مسلمانلر اولو حالنده وعادتا سوروکلنه سوروکلنه مدالییه کتیریلرک قاراکلی ، رطوبتلی ، هوا سز بریره طیفدیلر . ارککلر بوضورتله معامله کوردکدن صکره وحشت وغدر صرعه سی قادینلره کلدی . قالونیا وپولینیت جوارنده تکمیل قادینلر وقزلرک البسه سی صوبولارق انادن طوغه حاله کتیرلدی وصکره وحشی بر حیوانلق ، قودورغان برجنوارقله زوالیلرک ناموس وعصمت خزینه لرینه ده تجاوز ایدیلدی .

حتی برچوق اسلام قزلرینی بعض خرسیتیان اولرینه بیله آشیدیلر . قادینلرمن وقزلرمن چیر چیللاق ایدلکدن صکره شهر ایدلشلردر .

آفریقا :

انور بکک آفریقاده اسیرم اردوسی رهلموتی تأسیسی . — الیوم

شهر مزده بولنان مجاهد محترم انور بک افندی برلینده کی احباسندن برذاته یازدیغی وبرصورتی فرانقفورتر چایتونغ غزته سنده انتشار ایدن خصوصی بر مکتوبنده دیورکه :

« ایلک تصوراتمک - لافنده اوله رق مستعجلاً بنغازی بی ترک ایتک مجبو ریتنی حس ایلدم . چونکه بنغازیده ایکن درسعادتن آلدیم مکتوبلرده مملکتیه بنغازیدن زیاده اوراده خدمت ایده بیله حکم بیان اولنیوردی . فقط برنجق سنه دنبری قوماندا و اداره ایتدیکم وکندیلرینه قارشلی پک عمیق آثار محبتله متحسین بولندیغ قوم عربی ده ایتالیانلره تسلیمه وجدانم بر درلو راضی اوله مدیغندن آنلرک ده کال موقتیه متاومنده بولونلرینی تأمین ایده جک هر درلو تدابیری اتخاذ واستکمال ایدلکدن صکره بنغازیدن آیرلدم . بنغازیده نشر معارفی تأمین ایچون بر چوق مکاتب تأسیس ایلدیکم کبی ایکی بلوک ژاندارمه وطوبچی وسواری وپیاده ومترالیوزدن مرکب بر قوه عسکریه تشکیله ده موفق اولدم . اوراده قالان رفقام باشلادیغمز ایشلری ادامه ایده جکلردر . شیخ سنوسی حضرتلری ده ایتالیانلرک کوندردکاری هدایای رد صورتیه امر جهاده دوامه عزم ایلدکارینی یکیدن اثبات ایتشلردر . »

انور بک طرفندن برلینده دوقنور (یه) ه کوندریلن مکتوبده مندرج بولنان معلومات آتیله برلین غزته لرنده کورلشدر : « بنم بالجله تشکیلات مالیهم ایچون شهری ۹۰۰۰ لیرا مصارف ایجاب ایدیور ایدی . بو مصارفه قارشلی مملکتک وارداتی ۱۰۰.۰۰۰ لیرادر . ساحله کی شهرلر محصور بولندیغندن هر درلو ما کولات مصردن کلکدهدر . هر آی مصردن یکریمی بش بیک لیرالق ما کولات کلیور . ما کولاتدن یوزده یکریمی بش ودیگر امتعه دن یوزده الی کمرک الندیغندن شهری کمرک رسومندن ۸۵۰۰ لیرا حاصلات اولیور . دوه اخراجانه بر رسم وضع ایلش اولدیغندن بوندن دخی ۲۵۰۰ لیرا واردات شهرییه حاصل اولیور . (سلوم - بنغازی) یولنی اوتوموبیل نقلیاته کشاد ایتدیکمدنبری بالجله مناقلات لایقیه قونترول ایدلکده وواردات تراید ایدلکدهدر . یومی احتیاجات ایچون ۱۰۰.۰۰۰ لیرالق اوراق نقدیه موقع تداوله وضع ایلدم . بنغازیدن عزیمتمدن مقدم ۵۰۰۰ لیرالق اوراق کیری آلوب نقده تحویل ایتدیردم . اسکندریه ده دخی ۵۰۰۰ لیرا براقدم . بومبلغ داد وستدی تسهیل ایچون شیخلره ویریلدجکدر . بوندن بشقه بنغازیده حکومت وزنه سنده آلتون اوله رق ۱۰۰.۰۰۰ لیرا وارددر . »

مطبعة احمد احسان وشرکائی مدیر مسئول : اشرف ارباب